



Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 05-05-15502/19 RA
Sarajevo, 24.05.2019. godine

SKUPŠTINA KANTONA SARAJEVO

- o v d j e -

n/r Elmedin Konaković, predsjedavajući

PREDMET: Dostava odgovora na zastupničku inicijativu – zastupnica Segmedina Srna Bajramović

Zastupnica u Skupštini Kantona Sarajevo, Segmedina Srna Bajramović, na Sedmoj Radnoj sjednici Skupštine Kantona Sarajevo, održanoj dana 17.04.2019. godine, u okviru tačke Dnevnog reda "poslanička/zastupnička pitanja, inicijative i odgovori", pokrenula je inicijativu (zaprimljena u Ministarstvu 24.04.2019. godine), kako slijedi:

"Za obnovu i stavljanje u funkciju vrtića Agan Bostandžić koji je prije rata predstavljao jedan od sedam vrtića na području Opštine Stari grad. Trenutno su u funkciji vrtići na desnoj obali Miljacke, dok na lijevoj ne postoji niti jedan. Svi vrtići u Starom Gradu su popunjeni i roditelji na upis djece, zbog dugih listi čekanja i nepostojanja kapaciteta, čekaju po nekoliko mjeseci ili su djecu prisiljeni upisivati u privatne vrtiće koji su znatno skuplji u odnosu na javne. Obnova navedenog vrtića bi doprinijela ukidanju listi čekanja, jer se praktično nalazi na području dvije opštine.

U prilogu dostavljam podršku JU Djeca Sarajeva."

ODGOVOR:

Budući, da je zastupnička inicijativa stavljena u kontekst realizacije projekata utopljavanja putem Fonda za zaštitu okoliša i USAID-a, saopštavamo da Ministarstvo prostornog uređenja, građenja i zaštite okoliša energijsku sanaciju javnih objekata vrši u saradnji sa Razvojnim programom Ujedinjenih nacija (UNDP-ijem), kroz Projekat "Zeleni ekonomski razvoj".

Projekat se provodi prevashodno s ciljem racionalnijeg korištenja energije, zatim energijske obnove objekata u funkciji smanjenja potrošnje toplote za zagrijavanje i indirektno smanjenja zagađenja zraka. U tom smislu, za konkretno provođenje projekata povećanja energijske efikasnosti urađena je Studija energijske efikasnosti 322 javna objekta u Kantonu Sarajevo, kao i Akcioni plan energijske efikasnosti javnih objekata, kojeg je donijela Vlada Kantona Sarajevo 2018. godine ("Službene novine Kantona Sarajevo", broj 13/18). Prilikom izrade Studije utvrđeni su kriteriji na osnovu kojih su sva resorna kantonalna ministarstva (koja su učestvovala u njenoj pripremi)



dostavila listu javnih objekata iz svoje nadležnosti, pa i predškolskih ustanova, među kojima nije naveden vrtić "Agan Bostandžić".

S obzirom na to, da je u zastupničkoj inicijativi navedena obnova i stavljanje u funkciju predmetnog vrtića, mišljenja smo da je rješavanje iste u nadležnosti Ministarstva za obrazovanje, nauku i mlade Kantona Sarajevo.

S poštovanjem,



MINISTAR

Dama Filipović, MA prava

Dostaviti:

- Ⓟ Naslov
- Stručna služba Vlade Kantona Sarajevo, odjela za obrazovanje, nauku i mlade
- Evidencija
- a/a



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1

